

近代中國史料叢刊第四十三輯
沈雲龍主編

水雲樓詩詞稿合本

蔣春霖撰

文海出版社印行

絃

原夫詩餘之作蓋亦樂府之遺孤臣孽子勞人思婦籲閭闔而不聰繼以歌哭懼正容之莫悟矢以曼音其體卑其思苦其寄託幽隱其節奏擘緩故爲之者必中句中矩端如貫珠宜宮宜商較之窠黍太白飛卿實導先路南唐兩宋蔚成巨觀玉宇高寒子瞻將其忠愛斜陽烟柳壽皇識爲怨誹當日朝野不少賞音元之雜以俳優明人決裂阡陌淫哇日起正始胥亡高論鄙之弁髦小儒鼓其瓦缶臣質之死匠石傷焉蔣生鹿潭承明不遇作吏淮東賈僧與居踞觚竈北菱衣荷裳羌修能之自絜霓旌玉玦指潛淵以爲期一夕相思八公招隱孰海唱之孤憤答鬼語之幽脩有河上之同歌吹參差兮自訴又况簾雨闌珊念家山於破後衍波迢遞悵環佩之來遲鳩媒鴛詈傷如之何徒觀其擁鼻苦吟吹脣審律性有三好技了

十人謂爲倚聲人淺之論作者矣僕強舌難調知心幸託不辭隍引聊代
艣歌駒谷人來問花外羊求之徑虎谿送罷聽嶺閒鸞嘯之音歲在丁巳
冬杪六合彝舟甫徐嘉紱於東臺舟次

絃

暝色沈花晴颺扇竹海月將吐谿雲亂飛惟時薄游東亭一燈僧榻迺興
索居之歎載詠伐木之什夜漏二下見有排闥入者蔣君鹿潭也匪子猷
雪夜之船來因乘興異張敏夢中之路歎若平生相與俯仰古今斟酌損
益繹阮瞻之三語研沈約之四聲于是得讀所著水雲樓詞焉夫倚聲一
道厥工南渡後有作者等諸自鄮情詞麗句或嗤以聲律無準引商刻羽
則失之葩采不流學者病焉蒙有述矣善乎休文之答韓卿天機啓則律
呂自調六情滯則音韻頓舛誠祛惑之丹沙摘詞之藻鏡也以今證古如
鑑取影詞爲詩餘不易此論鹿潭所作于九宮七始八十四調不差絜黍
而能天機開闔六情諧暢別具工倕自成鑿逸視夫膠柱聆音引繩約尺
目論一孔技窮三變者不啻水觀海而泥憶雲矣况復資性過人幼辨燈

瓊默識在己長知黷材元亮讀書義無求于甚解伯休賣藥名獨畏夫人
知構思既深每踴壁而臥造語有得則閉門以吟泊夫漢上題襟揚州聽
鼓十年短夢付紅橋水上之簫五月思家譜黃鶴樓中之笛而鹽鐵之論
未申于文學衛官之寄尙屈于幕僚幾呼賀鑄爲老兵笑左思爲僮父矣
宜其長卿善病平子工愁四時得秋氣爲多八音惟金聲最響人來冀野
馬價難高客上樊樓酒悲不少旗亭驛壁寫行旅之蕭騷趙北燕南極風
懷之跌宕讀者徒知其詞之豐不知其遇之蹇也僕妃豨未學硯肆無分
才謝王筠偶賞其雌霓居鄰淮海愛唱夫微雲差有一日之知能無千秋
之想揜蓬蒿于舊徑君稱元卿忘詞筆于春風我慙何遜咸豐八年歲在
戊午三月既望江甯何詠撰于東亭慈雲禪社之散花室

紋

聖駕不受繼之馬良馬也世咸以此賦而棄焉跡弛之士不合於俗也久矣相如以鴻才瑰詞不獲舉察自入粟爲郎東野溫卿名不挂朝籍授一尉以終古才士之屨於命如此况其誕放自喜直意陵俗蹉奪不變此疆而兀者又無惑乎其窮於人也蔣君鹿潭負文學氣義與世牴牾官鹽曹十年不合以事去流浪海濱歌樓飲肆中常浮湛跌宕以自適與人輕直無曲貸見者或憚之然咸知其佯狂不甚以爲駭也吾獨異夫君爲詩恢雄詭譎若東淘雜詩二十首不減少陵秦州之作乃易其工力爲長短句鐘情劇恨轉豪於銖黍之間直而緻沈而姚曼而不靡嗚呼君之詞亦工

寒君嘗謂詞祖樂府與詩同源儂薄破瑣失風雅之旨情至韻會溯寫風流極溫深怨慕之意亦未知其同與異否也故以此悉力於詞登山臨川


傷離悼亂每有感慨於是乎寄夫以君之才思排金門歷元闕任承明箸
作無愧卽出肩民社之責理勞榦劇有餘裕也顧名不通版浮沈椽曹又
爲世擯棄將以詞人終遇亦窮矣然而君羈泊海上時有晏大夫其人者
慰卹孤窮分粟以哺之得免槁餓可以閉門獻歌則君之窮又未至留落
不耦如余者也因感而敘焉咸豐辛酉年午月上旬甘泉李肇增撰

伎

烏呼噫嘻楚客幽憤呵壁問天王郎抑塞拔劍斫地盛孝章之身世憂能傷人陶靖節之生平飢來驅我素不習搔頭弄姿委遺孺族以取一時之妍復不敢明目張膽跳盪跌肿致觸並世之忌出室一步舉扇障元規之塵讀書三年鉏金割管甯之席不得已而集成乾臘名噉畫餅幺弦響振則峽峻嘯血單詞吟安則窗雞破夢天雖高倚杵及之海雞深銜石平之崔君苗焚棄筆視李長吉歐出心肝我讀蔣子水雲樓詞而悄然以悲廢然以嘆也夫其乘彌戾之車抱蕭邱之性方寸映日都現文章清談干雲不模珠玉羅含之夢鳥五色汗漫之屠龍千金謂宜一上強臺三奪坐席影然而魚龍跨鱗爾而鸞皇鳴而乃司馬家貧安仁宦拙神劍繞指明瓊表心世方以大樂享魯爰居我且視諸石如海鷗鳥洗耳行潔或誣以盜

冠倚柱聲悲頗疑爲求牡伯龍牟利鬼笑梁開子昂賣文琴碎市上徒墜
數以何裨究連犴面無傷猶復絲竹寓感烟雲鬱懷島飯留賓楹書付子
南面北面何曾夫婦之儀東頭西頭陸機弟兄之屋時或蕪城作賦山陽
聞笛吟杜陵出塞之章灑新亭高會之涕日倦脩塗心傷逝湍弔精靈於
夜壑惜日月於扁舟逮至秋鬢凋殘春人委化淚浮盈寸目驟徹日百歲
栩栩蒙楚但思歸其居四海浩浩浮萍不能予之蒂於是天錫小名自稱
獨活玉谿短詠半託無題故其爲詞也秀奪山骨豔息花胎鶯簧百轉蠟
珠九曲繭肖愁狀果回甘味合仙梵以同音起古人而對面始信崔浩思
苦至與魅爭道衡功專惡聞人語宜其神解獨超而孤芳自賞者焉榮槐
以丁戊之歲客游淮海聞秦人視越肥瘠何關网兩問景蹤迹適合雲喬
晏起終朝而伴休文范縝寡交舉足輒尋王亮每當抽豪發詠託旨聘妍

賞王筠之一篇定虞松之五字未嘗不抉剔癡垢酒滌性靈相視而笑莫
逆於心落落焉渺千古爲一胸羅萬象於寸紙槐雖舌彊腕棘而於蔣子
所作無聞然矣烏呼並歌應節流水可以移情河梁小別停雲因而增慨
君如效塞主吟何減黃葉碧雲之句我知有井水處能唱曉風殘月之詞
辛酉八月秀水二梅褚榮槐敘




水雲樓詞目錄

卷一

詞五十一首

卷二

詞五十五首



水雲樓詞卷一

江陰蔣春霖鹿潭

甘州

余少識劉梅史於武昌不見且二十年辛亥余爲淮南鹽官梅史自吳來訪秋窗話舊清淚盈睫其飄泊更不余若也

怪西風偏聚斷腸人相逢又天涯似晴空墮葉偶隨寒雁吹集平沙塵世幾番蕉鹿春夢冷窗紗一夜巴山雨雙鬢都華笑指江邊黃鶴問樓頭明月今爲誰斜共飄零千里燕子尙無家且休賣珊瑚寶玦看青衫寫恨入琵琶同懷感把悲秋淚彈上蘆花

東風第一枝

冬至

雀醉晴檐蠅酥凍紙嚴霜忽作輕暖錦貂纔近熏爐鳳律暗移翠瑋尋春
無處但日日春痕偷展恰引起千丈愁思添似繡牀金綫 雲影薄畫簾
乍卷山意冷瘦筇又嬾幾多釀雪樓臺豫滌寒酒瓊梅魂知否怕迤邐
年華將換待借佗一縷東風悄把萬花吹轉

一萼紅

清明前一日偕周蓮伯散步城北紅日已西乃至虹橋復買小舟
過桃花庵蓮性寺烟水淒然游人絕少共洄洄者漁船三兩而已
趁春晴步前汀未晚舟小璧波行抱樹谿彎眠沙石老芳艸隨意青青乍
驚起閒鷗短夢伴落日三兩櫂歌聲水曲豪箏柳陰叢笛那處重聽 多
少夕陽樓閣倚闌干不見空見流鶯螢苑星繁紅橋月豔還記玉輦曾經
自湖上遊僊事杳問桃花又過幾清明賸取淒烟楚雨愁畫蕪城

謁金門

人未起桐影暗移窗紙隔夜酒香添睡美鶻聲春夢裏
妝罷小屏獨倚
風定柳花到地欲拾斷紅憐素指卷簾呼燕子

掃花遊

點波細雨乍泥住歸人便遲春信布帆漫整滿空江化酒別筵花韻數徧
郵籤也怕鶯期未準雁程緊試悄向故園先探芳訊
歸夢今夜權奈溼
霧濛濛畫樓難認野梅瘦損爲淒吟客裏賸紅銷盡墮水流香又把孤蓬
暗引醉鄉近壓春潮一船幽恨

水蘭花慢

江行晚過北固山

泊秦淮雨霽又燈火送歸船正樹隱雲寒星垂野園暝色浮天蘆邊夜潮

水雲樓詞

卷一

二

驟起暈波心月影盪江圓夢醒誰歌楚些冷冷霜激湘弦 嬋娟不語對
愁眠往事恨難捐看莽莽南徐蒼蒼北固如此山川鈞連更無鐵鎖任排
空檣艣自回旋寂寞魚龍睡穩傷心付與秋烟

瑣窗寒

荒江晚泊清寒送秋記去年款紅軒茗話正此時也

細竹通涼疏苔媚雨曉簾慵卷窺花隔座鏡裏暗傳嬌眼暈憐佗傷春未
工畫眉錯問愁深淺苔妝樓一霎西風如葉夢雲吹散 重見羞郎面但
恨指吳山斷霞沈晚扁舟暝宿冷月稀星孤伴繞空江蘆花夜明去鴻影
淡烟岫遠又寒莎兩岸鳴蟲絮語驚秋換

浪淘沙

雲氣壓虛闌青失遙山雨絲風絮一番番上已清明都過了只是春寒